



ՆՈՐԻՆ Ս. ՕԺՈՒԹՅՈՒՆ Տ. Տ. ՎԵՋԳԵՆ Ե ԿԵԹՈՂԻԿՈՍԻ ՄԵԿԵՆՈՒՄԸ ԱՐՏԱՍԵՀՄԱՆ

Նորին Ս. Օժոթյուն Վեհափառ Հայրապետի ղեկի արտասահման կատարելիք ուղևորության կապակցությամբ հունվարի 30-ի երեկոյան ժամը 8-ին Վեհարանում կազմակերպվեց հրաժեշտի սրտառու և ջերմ երեկո, որին ներկա էր Մայր Աթոռի ողջ միաբանությունը։ Երեկոյի ընթացքում Վեհափառ Հայրապետը հայտնեց իր մոտ ժամանակներս արտասահման կատարելիք առարկության մասին, խոսեց իր անմիջական նպատակների և ծրագրերի մասին և հայրարար հորդորեց միաբանությանը՝ իր բացակայության ընթացքում լինել միշտ պարտաճանաչ, հարատևել հոգևոր կյանքում և լինել աշխատունակ։ «Մենք,— ասաց Վեհափառը,— Հայաստանյայց Եկեղեցվո գործերուն և շահերուն բարոյական թելադրանքով, պիտի կատարենք ոչ կարճ ուղևորություն մը։ Արարական աշխարհի մեկ հյուրընկալ անկյունին վրա, քանի մը օր ճևտո տեղի պիտի տեսնա ազգային-եկեղեցական խիստ կարևոր իրադարձություն մը՝ պիտի ընտրվի Մեծի Տանն Կիլիկիո կաթողիկոսը։ Մենք ամբողջ սրտով կցանկանք մասնակցել այդ ընտրության, ցույց տալու համար անգամ մը ևս, որ Հայաստանյայց Առաքելական և Սուրբ Եկեղեցին միասնական է և անբաժան։ Մեր սրտազին աղոթքները վերաբարենք առ Աստված, որ Մեր ուղևորությունն առ Մեր ծրագրերը հաջողությամբ պսակվին և ուրախ տրամա-

դրությամբերով վերադառնանք Մայր Աթոռ, մեր հոգիի լուսեղեն ծննդավայրը»։

Վեհափառ Հայրապետի այս սրտառու խոսքերը ողևորեցին և միաժամանակ խորապես հուզեցին միաբանության բոլոր անդամներին։

Հաջորդ օրը, հունվարի 31-ի երեկոյան, Վեհափառ հանդիսավորապես առաջնորդվեց Մայր Տաճար, իր ուղևորության նախօրեին ծնրադրելու համար Միաձնաէջ Խորանի առաջ։ Մեկի եկած, վերացած աղոթում էր Վեհափառ Հայրապետը՝ բարեհաջող ուղևորության և ազգային-եկեղեցական գործերի արդյունավետ հաջողության համար։

Միաբանության անունից ողջերթի խոսք է ասում զերապատիվ Տ. Սահակ եպիսկոպոս Տեր-Հովհաննիսյանը։ Ապա հրաժեշտ է առնում Վեհափառ միաբանությունից, Մայր Աթոռի պաշտոնեությունից, առանձնությունից և ասում. «Քիչ անգամ է այսպիսի պարտք ինկած Ամենայն Հայոց Հայրապետի ուսերուն առ խղճին վրա, կատարելու այսքան երկար և այսքան անհրաժեշտ ճանապարհորդություն, և Մենք Մեզ ճրջանիկ կհամարենք, որ վերջին ժամանակներս առաջին անգամ ըլլալով Մեզ է բախտ վիճակված անձնապես մասնակցելու Մեծի Տանն Կիլիկիո կաթողիկոսական ընտրու-

թյան: Մեր այս ուղևորությունը ունի ևս մեկ կարևորագույն նպատակ՝ այցելել արտասահմանի մեր շարք մը թեմերը, ամրացնելու համար գործարար կապը Մայր Աթոռի և մեր եկեղեցական թեմերում միջև: Աղոթենք Բարձրալին, որ Մեզ հաջողություն պարգևե: Թող Անոր օրհնարներ Աջը միշտ հովանի ըլլա Հայաստանյայց եկեղեցւոյ և Անոր որդիներուն վրա. ամենա:

Այս կատարվում է Վեհափառ Հայրապետի մեկնման առթիվ ողջերթի ավանդական արարողությունը:



Փետրվարի 1-ի առավոտյան Վեհափառ Հայրապետը նրեանի օդանավակայանում է: Նորին Ս. Օծությունը ողջերթ մաղթելու համար օդանավակայան էին եկել Գերագույն Հոգևոր Խորհրդի անդամները, գերապատիվ Սահակ եպիսկոպոս Տեր-Հովհաննիսյանը, հոգեշնորհ Տ. Կոմիտաս վարդապետ Տեր-Ստեփանյանը, Նդիշև և Մեսրոպ արեղաները և միաբանության մյուս անդամները: Վեհափառին բարի ճանապարհ մաղթելու համար այստեղ էր նաև Տիրամայրը: Ողջերթի համար եկել էին նույնպես Հոգևոր Ծննդարանի վերատեսուչն ու դասախոսները, Մայր Աթոռի պաշտոնները, մայրաքաղաքի բոլոր եկեղեցիների բահանայական դասը, հավատացյալների բաղմաթիվ ներկայացուցիչներ և Հայկական ՍՍՌ Միևիստրների Սովետին կից Հայ եկեղեցու գործերի խորհրդի անդամները:

Նորին Ս. Օծությունը ուղեկցում էին գավազանակիր հոգեշնորհ Պարգև արեղա Գեվորգյանը և Կաթողիկոսարանի դիվանապետ և արտաքին հարաբերության պաշտոնյա Հ. Առաքելյանը:

Առավոտյան ժամը 9.10-ին ինքնաթիռը անջատվեց երկրից և բարձրացավ եթեր, դեպի Մոսկվա:



Փետրվարի 10-ին Մոսկվայից Լիբանան մեկնեց Նորին Ս. Օծություն Վեհափառ Հայրապետը՝ մասնակցելու համար Անթիլիասում Կիլիկիայի կաթողիկոսի առաջիկա ընտրությանն ու օծմանը:

Վեհափառ Հայրապետին ուղեկցում էին Ս. Էջմիածնի Գերագույն Հոգևոր Խորհրդի անդամներ՝ գերաշնորհ Տ. Վարդան եպիսկոպոս Տեր-Սահակյանը և պրոֆ. Առաքել Առաքելյանը, Մայր Աթոռի դիվանապետ և արտաքին հարաբերության պաշտոնյա Հայկ Առաքելյանը և Վեհափառի գավազանակիր Պարգև արեղա Գեորգյանը:

Վնուկովյի օդանավակայանում Վեհափառին և իր շքախմբին ճանապարհեցին Մայր Աթոռի միաբանություն, Մոսկվայում Հայաստանյայց եկեղեցու հոգևորականություն և հավատացյալների ներկայացուցիչները: Վեհափառին ողջերթ մաղթելու համար օդանավակայան էին եկել նաև Մոսկվայի Ռուսաց Պատրիարքարանի ներկայացուցիչ՝ Պատրիարքարանի գործերի կառավարիչ ավագ քահանա Ն. Ֆ. Կուլիցկին, Մոսկվայում Անտիոքի վանատան վանահայր գերապատիվ Տ. Սերգիոսովի եպիսկոպոս Վասիլին: Մեկնողներին ճանապարհեցին նաև ՍՍՌՄ Միևիստրների Սովետին կից Կրոնական պաշտամունքների գործերի խորհրդի նախագահի տեղակալ Վ. Ի. Գոստեբ և Հայկական ՍՍՌ Միևիստրների Սովետին կից Հայ եկեղեցու գործերի խորհրդի նախագահ Հ. Գ. Դրիզդովյանը:

Բարի՝ ճանապարհ և հաջողություն սիրելի Վեհափառ Հայրապետին և ողջամբ վերադարձ Մայր Աթոռ և Հայրենիք:

